

Ethica Amoris, Sive Theologia Sanctorum, Magni Præsertim Augustini, Et Thomæ Aquinatis

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XCIV. Testamentum, legatum, & quælibet ultima voluntas, ad pias
causas, valet absque solemnitatibus jure civili requisitis.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

tuitur 1°. ut testamenta scribantur, & sub-signentur à testatore, & duobus testibus ad id rogatis, quorum in testamento mentio fiat à Notario, Pastore, aut vice-Pastore: isti enim duo Notarii officio fungi possunt in testamentis, juxta Edictum Caroli V. anni 1553. qui nihil sibi, siveque usque ad quartum gradum, juxta leges civiles computandum, adscribere valeant. 2°. si locorum consuetudines variae essent, servarentur jura loci, ubi sita est res, de qua fit testamentum.

Anno etiam 1620. iidem Principes declararunt, nulla esse testamenta, in quibus deest signatura Notarii, testatoris, aut testium; nisi testator non posset scribere, quo casu id exprimendum esset à Notario sub poena nullitatis. Valere tamen testamentum factum apud acta, id est coram duobus Scabinis, & Graphiario, aut Secretario. Anno tamen 1631. declararunt, ad testamentum peste infectorum sufficere posse testem unicum, etiam feminam.

964 Circa id tamen quod dictum est, servanda esse jura loci, ubi res est sita, Stockmans decif. 9. *Hodie (inquit) sine hesitatione judicamus, sufficere solemnitates, qua obtinent in loco confectionis, ut ubique, & quoad omnia bona, vim habeat testamentum.* Quam etiam sententiam communii Doctorum calculo receptam dicit Anselmo in art. 4. Edicti perpetui Alberti & Isabellae 1611. Unde Consilium Brabantiae anno 1645. censuit, testamentum Leodii confectionum à Brabanto, licet ab ipso non subscriptum, effectum habere quoad bona sita in Brabantia, tametsi in Brabantia requiratur subscriptio. Codex quoque Belgicus verb. *testamentum n. 25.* valere dicit testamenta ad pias causas, etiamsi testator non subscriperit, & Notarius non expresserit in testamento, testatorem scribere non posse.

965 Testem in testamento posse esse Clericum, uti & Monachum, docent Anselmo ad Edict. perpet. a. 11. 13. §. 16. Stockmans decif. 5. ubi refert ita judicatum esse. Et decif. 6. addit, legatarium posse adhiberi in testem, licet non possit petere suum legatum: eo quod detracto suo testimonio non superfit legitima probatio; & ita in Galliis observari. Decif. 7. ipsum etiam testamentum executorem dicit adhiberi posse in testem, dummodo non sit executor universalis, & loco haeredum, sed minister dumtaxat ad praestanda legata, & fidei-commissa. Quia talis nullum ex suo testimonio refert commodum, sed potius onus. Et ideo judicatum, valere testamentum, in quo unus testium erat testamenti executor.

CAPUT XCIV.

Testamentum, legatum, & quelibet ultima vo-

luntas, ad pias causas, valet absque solemnitatibus Jure Civili requisitis.

E St sententia communis, fundata in cap. 965 relatum de testam. ubi Alexander III. sic ait: *Relatum est, quod cum ad vestrum examen super relictis Ecclesie causa deducatur, vos nisi septem, vel quinque idonei testes intervenirent, inde postponitis judicare, &c. Mandamus, quatenus cum aliqua causa talis ad vestrum fuerit examen deductum, eam non secundum leges, sed secundum Decretorum statuta tractem, tribus, vel duobus legitimis testibus requiri. Quoniam scriptum est: "In ore duorum vel trium testium stabit omne verbum." Valet ergo testamentum ad pias causas, etiam in foro extero, independenter a praefectia Parochi, aut Notarii, modò adint duo testes. In foro vero conscientiae, etiam sine teste, dummodo constet de ultima defuncti voluntate. Ideoque haeres in conscientia solvere tenetur legata pia, dum ipsi quovis modo sufficienter constat eam esse voluntatem defuncti, v. g. per schedam propriâ manu ipsius subscriptam. Imò ultima dispositio captatoria, ut vocant, quâ testator suam voluntatem alterius dispositioni committit, valet ad pias causas. Quia solo jure civili irritatur; jure vero naturali & canonico sufficiunt, juxta illud cap. cum tibi de testam. Qui externam voluntatem in alterius dispositionem commisit, non videtur decidere intestatus. In similibus autem causis leges civiles attendi non debent, uti dicitur citato cap. *relatum.* Videri possunt Covarruvias c. 11. de testam. n. 9. Julius Clarus §. *testamentum q. 6. n. 1. & seq.* Fagnanus ad citatum c. *relatum*, ubi n. 2. dicit, legata pia peti posse coram Judice seculari, cumque teneri causam decidere secundum leges canonicas. Num. 8. testes duos in testamento ad pias causas non est de solemnitate substantiali, sed probatoria. Num. 9. testamentum illud valere scriptum manu testatoris, sine ullo teste. Num. 12. testes non debere esse rogatos, &c.*

CAPUT XCV.

Testamentum ad causas profanas, licet in foro externo non valeat absque solemnitatibus iuris, probabilitas valet & obligat in foro conscientiae.

P Robatur 1°. quia can. ultima 13. q. 2. S. 967 Gregorius dicit, quod ultima voluntas defunctorum modis omnibus servari debet. Enimvero nihil magis æquum, quam ultimas hominum voluntates impleri, cum de iis sufficienter constat, et si quedam solemnitates Juri Civili eis desint: igitur quæ ad probationem potius testamenti, quam ad ejus in foro poli substantiam cœnendæ sunt pertinere.

2°. quia cap. indicante de testam. Cognovimus